

‘A STORIA NOSTRA
(di Arturo Moraca)

A chistu munnu c’è ‘na mala usanza:
c’è chine è sempre abbuttu e nun se cura
ca’ ‘n’autru chjna d’aria tena ‘a panza
e tacia e soffra, ma a ra fhine ‘un dura.

È stata sempre chissa la scintilla
c’ha fattu scoppiare sempre ‘a guerra;
d’ogne rivoluzione la favilla
c’ha pue canciatu ‘e cose supra ‘a terra.

‘A storia chi ve cuntu a ‘stu mumentu
è propiu chiddha du Risorgimentu,
d’a Patria nostra, chi affritta e sparpagliata,
Una, Libera e Indipendente, è diventata.

Cumuncia ccu’ ra presa d’ a Bastiglia
e a tutta ‘a Francia scoppia ‘u parapiglia,
ca’ i povari, ormai, chjni de soprusi
se su’ stancati de subire abusi.

‘A capu hanu tagliatu pue a ru Rre
gridannu: libertè, fraternità, egalità!
A ‘ste parole i Moti Carbonari
a tutte ‘e banne appicciantu i pagliari.

Volianu mu’ l’Italia sparpagliata,
‘na sula Patria fhorra diventata:
indipendente, libara ed unita
sutta i Savoia, dinastia cchjù ambita.

Pue Carlu Albertu e Vittoriu Emanuele,
a chiru gridu de dulure ‘e fhele,
ccu’ Cavour, Mazzini e Garibardi,
hanu cacciato i stranii e i gattopardi.

‘U vinti de settembre du settanta
i bersaglieri, ccu’ ‘n’impresa santa,
hanu raputu la Città Immortale,
ch’è diventata, ‘e tannu, ‘a Capitale.

Mancavano ‘u Friuli e ru Trentinu
ppe’ cumpretare l’opera de fhinu
e, ccu’ ra prima guerra mondiale,
hamu fhinitu ‘e fhare lu stivale.

Dopu, ‘u Fascismu e ‘n’atra guerra ancora,
chiri principi hanu cacciato fhore,
ma ppe’ fortuna pue la Resistenza,
ha misu fhine a tutta ‘a penitenza.

De Monarchia a Repubblica passammo,
ma ‘u pane se pisava sempre a grammi;
pue fhinarmente... ‘na luce ‘e paradiso...
e de lu chjantu se passau a ru risu.

Oje, nue stamu buoni, ma i vagiti
etici e religiosi su’ spariti
e du rispetto se su’ perze ‘e trazze
e aumenta lu razzismu ‘e tutte ‘e razze.

Mò l’egoismu, innatu, è fattu umanu,
ma ppe’ fortuna c’è Napulitanu
chi argine e barriera fa all’ingordi,
chi campanu e se vinnanu ppe’ sordi.